

Qual ei il liug d'origin dalla schlatteina HENDRY ?

Igl ei da supponer che la schlatteina HENDRY eri gia duront il quitordischavel tschentaner en Tujetsch - sche buca pli baul. Il svilupp dalla lingia da Breil savess esser sefatgs parallelamein. La registraziun en la vischnaunca da Breil entscheiva cun igl onn 1625. Naven digl onn 1702 anflan ins buca pli indicaziuns davart dil num HENDRY. La descendenza da Breil ei svanida, ferton che en Tujetsch eis ella sedada pli e pli frequenta.

La forza dil mussament ei buca dada. Igl ei denton fetg da dubitar che la schlatteina HENDRY s'audi tier ils nums dils Gualers, sco per semeglia: Lorez, Maler, Valier, Snider e Schmet.

Priu il cass che la schlatteina HENDRY fussi buca sefatga enteifer ils tschentaners en la Val Tujetsch, eis ei pli probabel ch'ella derivi orasi dalla Savoia u neu dalla Burgogna. Milsanavon fuss ei ina gagliardia da metter il num HENDRY a Breil ed en Tujetsch en ina relaziun cun il svilupp dalla medema schlatteina en Scozia e silsuenter ell'Engheltiara. Schebi ch'il canal dil Calais ei ussa era buca schi dalunsch.

Sch'ils descendents HENDRY han maridau savens las feglias dils Gualers ei quei da declarar autruisa. Ils Gualers ein semegliontamein stai sigl ur dalla Val Tujetsch - e pusseivel eis ei che lur giuvnas ein idas pli tgunsch ordvart, sco per exempel da Maunsut.

Tenor las dumbraziuns dils onns 1768 e 1791 sco era la indicaziun el cudisch dad „underfands" digl onn 1751 ha Franciscus HENDRY (1694–1756) e siu fegl Jacob Andriu HENDRY (1746–1805) viviu a Camischolas. Denton gia en las scartiras digl onn 1806 „unterfands" anflein nus attenents da Jacob Andriu HENDRY cun possess a Nacla (Surrein).

Probablamein ein ton Vigeli Giusep HENDRY (1784–1866) sco Duri HENDRY (1796–1860) setratgs da Maunsut, igl emprem podà a Surrein, tenor la indicaziun dils anno 1791:

Joseph Maria HENDRY e dunna Gretha Riedi, Surrein. En mintga cass enzacu ein ils vegnent-suenter i on Cavorgia, naparts ein turnai a Surrein, sco per exempel:

Sep Antoni HENDRY (1835–1903) cun sia dunna

Ottilia HENDRY-HENDRY (1839–1909)

e pressapauc in tschentaner suenter, suenter l'emprema uiara mundiala, il

Leci Antoni HENDRY (1884–1953) che ha fatg da Surrein anora il pur e calger.